

福建通志

第貳拾貳冊
名勝

福建名勝志卷三上

長樂縣

花帽臺 在縣西門外金雞山左江岑頂見同治縣志

樂壽臺 三山志云在賓賢里天王寺後宋嘉祐中縣令胡昱築雍正舊志云在金雞山下寒巖右

取青橋 在石牛山下龍溪上見同治縣志

露松橋 在五峯山下見同治縣志

御風臺 乾隆府志云在鴈山上同治縣志云在縣東北大宏里

衙裏井 在縣西隅三十餘步見同治縣志

楊井 在縣西隅二十餘步泉清冽不渴見同治縣志

龍門二井 八閩通志云在縣西三里翁山之左右其制一方一圓

一瓢井 在縣西南二都龍門宋元豐二年開見乾隆縣志

墨泉井 在三都岱邊泉色濃碧如墨宋先賢陳旼居此見同治縣志

水窻井 在三都珠湖深三尺許沆泉旁出若窻因名

龍目井 在三都壇林里人高會輶記之

雙福井 在四都壇前大路清乾隆二十三年里人陳天柱鑿得二福錢故名

洋中井 在四都東渡

長源井 在大坪獅山之下以上俱見同治縣志

白水井 在縣東南九都青橋

麻姑井 在縣東南十都仙人梯石下見聞書

仙井 在十都福湖山石上

運司井 在十都魁龍山下官廳後宋運司朱慶造故名

東西井 在十都福湖村東西各濱溪泉俱清冽釀酒極佳

給事井 在十都福湖村鄭給事宅

紫陽井 在青山下黃氏祠之左祠地相傳爲朱子所擇

天龍井 在縣東南十一都董奉山中

仙源井 在十二都

鰲頭井 在縣東南七都感恩風臺旁以上俱見同治縣志

天龍井 閩書云在八都

鳳池 滌硯池 俱在八都獬豸山麓已上俱見同治縣志

壺井 閩書云在縣東南十八都壺井山陲其狀如壺

半月池 品字池 閩書云俱在縣東南十九都雪峯山上

天池 在十九都天池山上見乾隆府志

靈井 在十九都江田

巷柄井 在縣東南二十都小社宋教授林楷浚

夏井 在二十都松下城內

方觀井 在十三都紫微書室內

孝義井 在十三都義姑陳中宅旁已上俱見同治縣志

源井 在十四都金麓山之南

七星井 在十四都卧牛山下錯綜相連一在十五都漳港澳中凡七口

雙頭井 在十七都仙山街以上俱見同治縣志

七星井 在縣東十七都仙山萬壽道院之西其井凡七

寒碧井 在縣東已上俱見八閩通志

鳳井 在二十一都鳳井庵殿前

達泉井 在二十一都達泉書院西以上俱見同治縣志

吳航頭 閩中記云吳王夫差嘗乘船略地至此作戰艦故稱吳航云閩

都記云在縣西隅明永樂十一年太監鄭和通西洋造舟於此奏改名

太平港閩書云在縣西北馬頭江漢吳王濞反獨東甌王搖從之故濞

於此造戰艦名吳艦頭因名縣曰吳航云

嚴光宅 在縣東十三都光陳處士太建元年捨爲寺卽今光嚴寺見三

山志

林勛觀宅 三山志云在崇賢里勛觀唐戶曹大曆二年以其居修篁千

畝遂捨爲竹林禪寺聞書云勛觀故居在縣東南十二都艷山下

安適軒 在十二都竹林寺西林勛觀捨宅後退居於此見八閩通志

林鷗宅 閩都記云鷗唐開成三年進士捐田四十餘畝創濱閩湖乾隆

縣志云在縣東北方樂里鷗官倉曹參軍

林慎思宅 在縣東北方安里籌峯山下慎思唐御史昇第五子咸通已

丑進士再中宏詞長樂登第自慎思始官水部郎中不屈黃巢而死見

崇禎縣志

德成精舍 八閩通志云在縣北德成巖中有草堂唐林慎思讀書於此

元元統乙亥邑宰曹濶濶臺建以奉時祀明萬曆乙卯裔孫有楚倡修

精舍闢建西廳特祀伸蒙乾隆府志云在籌峯山宋朱子題額以慎思

德成於此也

月樓 在縣東北籌巖唐林水部慎思建見八閩通志

昌建子序長樂

山月堂 雷音堂 在縣東南七都柏山當陽寺內唐咸通六年建見閩書

王想宅 在縣東隅唐咸通間捨爲觀音寺想河南固始人隨王審知入閩以銀青光祿大夫上柱國攝縣政見崇禎縣志

林徵宅 在梯雲里渡橋徵唐乾符乙未進士林水部慎思次子世居之明雲南按察使恕其著者也見閩都記

張睦宅 在福州裏唐封太師梁國公權貨大王廟在福城東街鳳池坊張庸宅 在福州裏庸唐乾寧元年爲開元節度使討叛賊劉繼峯領行軍司馬入同平章事以上見八閩通志

林巨卿宅 在縣東梅花坊巨卿唐孝子見崇禎縣志

崔若愚宅 在縣北下櫓橋若愚唐縣丞見同治縣志

寂照軒 在二十一都巖泉寺內唐天復間建見閩都記

高文寵宅 在後灣文寵唐高良器曾孫以賢良舉

歸雲閣 在龍龕山唐建以上見同治縣志

望海亭 在龍龕山靈峯絕頂唐時建宋熙寧間運使張徽重建見三山

志唐黃滔宋張徽蔣之奇袁正規有詩

水樂堂 望月亭 俱在縣東南十九都靈峯山上唐時建見乾隆府志

陳轉宅 在縣南轉五代梁開平中任潭州判官

房長者宅 在十都後捨爲大澤寺長者名洗五代時人已上俱見同治

縣志

芬蘭軒 祖意軒 俱在九都資壽寺內宋太平興國間建見雍正舊志

仁智軒 在十三都光嚴寺寢堂之西宋初建見八閩通志

歐陽回宅 在縣西回宋端拱元年進士官太常寺卿

王彬宅 在縣東彬宋淳化二年進士官太常少卿

東壁精舍 在八都屏山東麓里人潘循潘衢兄弟讀書處已上俱見崇

續縣志

潘循潘衡故居 在縣西南二難鄉循衡同登宋大中祥符戊申進士見

閩都記

林良讀書處 在十一都董奉山南雁塘良宋大中祥符戊申進士官太子太傅少不羈爲鄉里所鄙後發憤讀書登第鐫化龍二字於石見崇禎縣志

鄭洙宅 八閩通志云在縣東十三都柯林山下洙以三禮出身因名其鄉曰喬柯崇禎縣志云宋景祐中擢三禮科官至虞部郎中

陳烈宅 乾隆縣志云烈祖世明父元善邑之沙堤人世居二都陽夏後徙侯官郎官巷

垂露亭 三山志云在縣東南同榮里瑞峯院前宋慶曆中提刑蘇才翁刻字於石屏八閩通志云蘇才翁書法垂露體也寺僧因以名亭

煙蘿亭 在賓賢里天王院內宋慶曆中縣令董淵立見三山志
明教堂 道光舊志云舊在縣城內宋皇祐二年里人方子安創

枕流軒 三山志云在賓賢里 絃歌堂 在縣署廳事西 惜陰軒

在縣署樂古堂西 芳蘭軒 在縣治甘泉寺法堂後以上皆宋皇祐中縣令吳仲舉建俱見八閩通志

清心亭 在賓賢里天王院內宋皇祐中縣令秦俛建

高亭 在縣東南同榮里當陽院宋嘉祐中縣令王企建已上俱見三山志

取翠亭 三山志云在靈峯山望海亭西宋嘉祐中縣令王企建八閩通

志云在縣東南良田里靈峯院內崇禎縣志云一名翠凝亭

義漿亭 義泉亭 三山志云在縣東賓賢里甘泉院旁舊曰茶亭宋嘉

祐中縣令王企改今名

攬翠軒 在縣治內宋嘉祐閒主簿陳伯孫縣尉陳師韓建見崇禎縣志

凝翠軒 在竹林寺寢堂之東見八閩通志

求壽堂 在縣署內宋熙寧中縣令蕭竑建見崇禎縣志

富里召券云長樂

望江亭 淳熙三山志云在賓賢里天王院內宋熙寧中縣令蕭竑建

鄭邦直宅 在十都沙京邦直宋熙寧丙辰進士官朝散大夫見同治縣

志

徐鐸寓居處 在錦陽鐸宋熙寧丙辰狀元常游長樂築室於此今其地
爲毓麟宮仍祀木主於旁見乾隆縣志

李望宅 在沙京望宋元豐己未進士官御史中丞見同治縣志

高宗信宅 在後澳宗信宋元豐乙丑舉孝廉官金紫榮祿大夫見乾隆

縣志

望雲軒 在縣署求誨堂北宋元豐閒權縣令施文建以寓其思親之意

待月閣 在縣治廳事之西宋元豐中主簿曾孝傑建

恩波亭 在縣西隅太平港之上宋元豐閒建

瑞雲亭 在縣南逍遙里靈隱寺內宋元豐中建已上俱見八閩通志

臨江館 在縣西門外江岑頂花帽臺下原天主堂因奉禁改今名見崇

神縣志

仰軒 在縣署求誨堂東廡

盡心軒 在縣署求誨堂西北以上皆宋元祐二年權縣令施文建俱見八閩通志

馬江亭 道光舊志云在縣西半里馬江渡之北舊臨江館址宋元祐丁卯建同治縣志云明嘉靖閒燬隆慶三年知縣蔣以忠重建爲駐節堂
鄒異宅 在縣治西賓賢里舊名德政里異宋孝子元祐三年舉經明行修有司改其里曰賓賢坊曰文行

鄒異廬墓址 在縣西南南山下已上俱見閩書

白雲亭 三山志云在崇賢里同治縣志云在十二都竹林寺宋元祐三年縣令袁正規建

溪會亭 三山志云宋元祐三年縣令袁正規建八閩通志云在縣東南十二都白雲溪上

見江亭 三山志云宋元祐三年縣令袁正規建八閩通志云在縣東觀音寺內

照山堂 八閩通志云在仁義里光嚴寺宋元祐三年縣令袁正規建

勝會堂 八閩通志云在縣南一里許南山宋元祐三年縣令袁正規建

九日亭 八閩通志云在縣南勝會堂之上閩都記云一名九日軒雍正舊志云落成會九日故名乾隆府志云在登高山

林安上宅 在巖頭安上唐愼思八世孫宋大觀四年釋褐官直龍圖閣廣東路經略使因劾丞相汪伯彥黃潛善致仕見乾隆縣志

登高亭 乾隆府志云在登龍山乾隆縣志云宋修撰林安上建

劉嘉譽宅 在方安里嘉譽貽孫八代孫官樂昌縣尉子世南孫砥礪曾

孫子玠見乾隆府志

陳宋霖宅 雍正舊志云在縣西南岱邊山下乾隆府志云宋霖宋紹興乙卯進士官祕書監

周芹讀書處 八閩通志云在縣東十七都同治縣志云在龍翔峯芹宋

紹興乙卯進士官朝請郎宗正寺簿

歐陽榮宅 在縣西文行坊榮累舉不第宋紹興四年因獻板橋之利賜特奏名官太子中書見同治縣志

黃瑀宅 黃氏家譜云瑀世居青山後寓閩縣官江南東路提點刑獄同治縣志云在青山村清康熙三十年卽其地建爲祠瑀子杲東幹皆受業於朱子

尙書庵 在二十一都華厦宋紹興閒鄭丙讀書處丙紹興乙丑進士官吏部尙書故名見同治縣志

紫陽樓 閩都記云在二都後澳元應宮之東宋嚴學禁朱文公避地於此故名

紫陽閣 在八都天龍井之麓宋朱文公嘗三至此地年友張一漁爲築精舍講學其中見同治縣志

江山第一亭 乾隆府志云在縣西吳航渡頭道光舊志云宋隆興間知縣吳一鳴建

陳以宅 在巖頭以宋乾道丙辰進士官侍郎宋霖姪見同治縣志

石門洞精舍 八閩通志云在縣北三寶巖宋里人劉砥劉礪避偽學之難居此道光舊志云砥礪從朱子講學於此朱子大書讀書處三字鐫

石門上

竹林精舍 在十一都青山下宋黃寺丞幹講學處朱子書額見乾隆府志

聚遠樓 八閩通志云在十都福湖宋時里人有鄭申之者嘗從朱文公學教授於鄉立文行忠信四齋傍建樓文公爲題其扁曰聚遠

鄭申之宅 在福湖申之宋乾道己丑進士官國子監助教

陳萬春宅 在湖南萬春宋侍講使遼有功封開國伯已上俱見同治縣志

姜大中宅 在楓林以布衣從朱子學學者稱楓林先生見朱子全書

吳節宅 乾隆府志云在岱邊山地名吳宰嶺同治縣志云在龍門後澳
節宋淳熙乙未進士官知縣

得閒堂 宋淳熙間隱士劉世修建日與文人羽士觴詠其閒號慧觀公

見乾隆縣志

鄭觀生宅 在十都觀生宋慶元丙辰特奏名官湖廣道監察御史

陳杓宅 在縣西南三都墨泉井杓宋慶元丙辰特奏名已上俱見同治
縣志

陳俞宅 在縣北六平山下俞宋嘉泰壬戌進士官太常博士見雍正舊
志

鄭性之宅 道光舊志云在福湖後遷省城宮巷

張洽宅 在十一都福州裏洽宋嘉泰壬戌進士官直祕閣謚文憲見張
氏家譜

張翀宅 在福州裏翀宋嘉定辛酉進士官提刑見乾隆府志

趙以夫宅 在縣東芝巖以夫宋嘉定丁丑進士官吏部侍郎尚書兼侍讀見雍正舊志

陳如晦宅 在沙堤如晦宋嘉定庚辰進士官本州教授見閩書

陳夢良宅 在桃坑夢良宋嘉定癸未特奏名朱子避偽學禁嘗主其家因從受學見理學源流考

乾坤一草亭 在縣治北六平山麓宋寶慶四年里人陳太博俞居此俞號草亭故名見乾隆府志

陳容宅 在縣治西隅容宋端平乙未進士官朝散大夫見乾隆府志

江天樓 乾隆府志云在縣治西臨江亭東偏乾隆縣志云宋端平閒知興化軍所翁陳容建

陳合宅 在縣東隅合宋淳祐甲辰進士官資政殿學士謚文惠見同治縣志